



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-19718 /21
Sarajevo, 10.05.2021. godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko pitanje-dostavlja se

Zastupnica Neira Dizdarević, dana 28.04.2021. godine, na nastavku 35. sjednice Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“ u skladu sa čl. 211 i 214. Poslovnika Skupštine Kantona Sarajevo, postavila je zastupničko pitanje: „Da li zdravstvene ustanove u Kantonu Sarajevo raspolažu dovoljnim količinama i zalihama lijeka Clexan“?

U vezi sa dostavljenim zastupničkim pitanjem, Ministarstvo zdravstva dostavlja sljedeći

ODGOVOR

Ministarstvo zdravstva Kantona Sarajevo je 21.04.2021.godine od JU Apoteke Sarajevo i od nosioca dozvole za promet lijeka Sanofi d.o.o. tražilo informaciju o razlozima deficitarnosti, te kada se navedeni lijek može očekivati u apotekama sa područja Kantona Sarajevo, odnosno kada se može očekivati uredno snabdjevanje ambulanta i bolnica sa područja Kantona Sarajevo.

Zaprimljeni su odgovori koje Vam prosljeđujemo u prilogu ovog akta iz kojih je vidljivo da se za Kanton Sarajevo isporučuju mnogo veće količine nego što je redovna potrošnja lijeka. Snabdjevanje Kantona Sarajevo sa lijekom enoksaparin inj. je otežano samo iz razloga prekomjerne potrošnje lijeka koji se propisuje i za pacijente oboljele od Covid 19 infekcije.

Imajući u vidu da je navedeni lijek neophodan trudnicama i osobama koje ne mogu iz drugih zdravstvenih razloga koristiti zamjenu ili neki drugi lijek iz grupe antitrombotika, 26.4. 2021.godine prema JU Dom zdravlja Kantona Sarajevo je upućen dopis kojim je traženo da, gdje je to moguće, propišu i u terapiju uključe druge niskomolekularne heparine ili adekvatnu oralnu terapiju, te time olakšaju nabavku lijeka pacijentima kojima je enoksaparin jedina mogućnost.

Kontaktirali smo i Zavod zdravstvenog osiguranja Kantona Sarajevo koji nam je dao pojašnjenje da svi osiguranici Kantona Sarajevo mogu podnijeti zahtjev za refundaciju sredstava za Clexane



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



injekcije putem najbliže poslovnice Zavoda zdravstvenog osiguranja Kantona Sarajevo. Količina kupljenih injekcija bi trebala biti za terapiju u dužini od 30 dana. Uz zahtjev je potrebno dostaviti nalaz i mišljenje ljekara koji je preporučio terapiju, fiskalni račun za kupljeni lijek i potvrdu od Doma zdravlja da nisu imali Clexane injekcije.

S poštovanjem,

DOSTAVLJENO:

1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Broj: 01-03-1223/21

Datum: 21.04.2021. godine

MINISTARSTVO ZDRAVSTVA KANTONA SARAJEVO

Reisa Džemaludina Čauševića 1

71000 Sarajevo

Bosna i Hercegovina

PREDMET: Odgovor na uplt o deficitarnosti lijeka Clexane- dostavlja se

Veza Vaš akt broj: 10-33-18883/21 od 21.04.2021. godine

Poštovani,

Obzirom na povećane potrebe tržišta za lijekom enoksaparin- natrij, dobavljač nema mogućnost da obezbijedi adekvatne količine shodno potrebama.

JU "Apoteke Sarajevo" su dostavile narudžbu dobavljačima, koja iznosi u totalu 160.000 komada različitih jačina. Međutim, isporučeno je u ovoj sedmici 3.000 ampula jačine 40mg, dok se krajem tekuće i u narednoj sedmici očekuje isporuka 3.200 ampula jačine 60mg i 1.400 ampula jačine 80mg navedenog lijeka.

Navedeno implicira da je obzirom na potražnju za navedenim ampularnim lijekom, koja je u ovo godini višestuko veća, isporuka od strane dobavljača daleko manja i nedostatna trenutnim potreba tržišta.

Izlaz lijeka enoksaparin- natrij u prvom kvartalu 2020. godine je iznosio 18.332 ampule, dok za isti period tekuće godine bilježi rast od 211%, te iznosi 57.011 ampula.


Isporuka dobavljača prema JU "Apoteke Sarajevo" je bila identična isporuci za isti period prethodne godine. Međutim JU "Apoteke Sarajevo" su svojom dobrom strategijom nabavke i odgovarajućom zalihom uspjele amortizovati nedovoljnu dostupnost lijeka na tržištu, te imati znatan rast izlaza u odnosu na otežanu nabavku.



Istovremeno, prema zdravstvenim ustanovama JU "Apoteke Sarajevo" su u prva tri mjeseca tekuće godine isporučile za 109% više ampula enoksaparin- natrija u odnosu na isti period prethodne godine.

JU "Apoteke Sarajevo" su kontinuirano snabdjevene antikoagulantom generičkog naziva dalteparin, koji je dostupan pacijentima uz preporuku ljekara, te se može koristiti za istu terapijsku namjenu kao i lijek enoksaparin- natrij.

U slučaju potrebe za dodatnim informacijama, stojimo vam na raspolaganju.



Zimbra

minzdrph@mz.ks.gov.ba

Odgovor na dopis 10-33-18883/21, dostavlja se

From : Bajramovic, Amer /BA <Amer.Bajramovic@sanofi.com> Mon, 26 Apr, 2021 09:27
Subject : Odgovor na dopis 10-33-18883/21, dostavlja se
To : minzdrph@mz.ks.gov.ba
Cc : Lekic, Alen /BA <Alen.Lekic@sanofi.com>, Taletovic, Lejla /BA <Lejla.Taletovic@sanofi.com>, Tanovic, Nedim /BA <Nedim.Tanovic@sanofi.com>

MINISTARSTVO ZDRAVSTVA KANTONA SARAJEVO
UL. REISA DŽEMALUDINA ČAUŠEVIĆA 1
SARAJEVO

n/r prof.dr Haris Vranić, Ministar

Poštovani,

na osnovu informacija kojima raspolažemo u ovom trenutku, dostavljamo Vam zvaničnu izjavu:

„U kontekstu COVID-19 pandemije, suočeni smo sa neočekivano velikom potražnjom za lijekom enoksaparin ne samo u Bosni i Hercegovini, nego i širom svijeta. Podsjećamo na činjenicu da enoksaparin nije ispitivan i odobren za liječenje infekcije COVID-19. Kompanija Sanofi zasada je u mogućnosti odgovariti na povećanu potražnju na tržištu u Bosne i Hercegovine, no može doći do kraćih odgoda u isporuci enoksaparina u nekim područjima BiH, zasada bez posljedica po kontinuitet redovite terapije bolesnika.

U regiji SEC Europe, Sanofi je pokazao posvećenost zaštiti javnog zdravlja isporučivši 50% više enoksaparina u prva 3 mjeseca 2021. u odnosu na 2020. godinu. U skladu s tim, u prva 3 mjeseca 2021. za tržište Bosne i Hercegovina isporučili smo +45% veće količine enoksaparina u poređenju sa istim periodom 2020., što pokazuje posvećenost kompanije da odgovori na potrebu za dodatnu količinu enoksaparina i u Bosni i Hercegovini.

U suradnji s našim partnerima i distributerima, nastaviti ćemo isporučivati enoksaparin za javne nabavke i uložiti ćemo sve napore da odgovorimo na povećanu potražnju svih partnera, uprkos izazovnom lokalnom i globalnom kontekstu. Također, kompanija Sanofi nastaviti će transparentnu komunikaciju sa zdravstvenom administracijom i institucijama u BiH te ulaže sve napore da omogući kontinuitet opskrbe našim lijekovima za bolesnike kojima su neophodni.“

Srdačan pozdrav

Amer BAJRAMOVIC
Public Affairs SEC Europe

(Bulgaria, Croatia, Slovenia, Serbia, Bosna & Hercegovina,
Macedonia, Albania, Kosovo, Montenegro)
sanofi-aventis groupe
Representative Office in Bosnia and Herzegovina
Fra Andjela Zvizdovica 1/B8, 71000 Sarajevo
Phone: +387 33 295 519 Fax: +387 33 270 030

-----Original Message-----

From: Ministarstvo zdravstva KS - Sektor za farmaciju
<minzdrph@mz.ks.gov.ba>
Sent: Wednesday, April 21, 2021 11:02 AM
To: Taletovic, Lejla /BA <Lejla.Taletovic@sanofi.com>
Subject: Upit

Prema dogovoru prosljeđujem Vam upit. Lp Prim. mr ph Edina Stević
